

SEGMEDINA SRNA BAJRAMOVIĆ
Zastupnica SDP BiH u Skupštini Kantona Sarajevo
Sarajevo, 13.12.2017.

KANTON SARAJEVO
SKUPŠTINA KANTONA SARAJEVO
N/p Predsjedavajuće, prof. Ane Babić
N/p Sekretara, Almira Kulovac-Šetkić
VLADA KANTONA SARAJEVO
N/p Premijera, Elmedin Konaković

PREDMET: Amandmani na Prijedlog zakona o izvršavanju Budžeta KS za 2018. godinu

Poštovani,

na osnovu Poslovnika o radu Skupštine Kantona Sarajevo, dostavljam amandmane na Prijedlog zakona o izvršavanju Budžeta KS za 2018.godinu.

Amandmani su prilog ovog dopisa, te se isti stavljaču na razmatranje Skupštini Kantona Sarajevo i Vladi Kantona Sarajevo.

Amandman 1

Glava I Opće odredbe, član 1. (Predmet Zakona) dopunjuje se stavom (2) koji glasi:

“Izrada i izvršavanje budžeta zasniva se na načelu zakonitosti, efikasnosti, ekonomičnosti i transparentnosti.”

Obrazloženje:

Dodatnim preciziranjem ovog člana prijedloga Zakona o izvršenju Budžeta KS za 2018. definicijom preuzetom iz Općih odredbi zakona višeg reda (Zakon o budžetima FBiH) olakšava se njegova upotreba i samo izvršenje.

Amandman 2

Član 9. (Dinamika izvršavanja budžeta), dopunjuje se novom tačkom pod b) koja glasi

“b) tekući transferi po osnovu zaštite porodica sa djecom u KS”

- postojeće tačke b) i c) postaju tačke c) i d)
- tačka d) postaje tačka e) mijenja se i glasi ***“e) ostali tekući transferi”***
- postojeće tačke e) i f) postaju tačke f) i g)

Obrazloženje:

Ova skupština je u više navrata isticala potrebu stavljanja potreba porodica sa djecom u viši prioritet. Ovim se to i čini, a kako se radi o mjesечноj iznosu od cca. do 2 mil KM ovakva promjena ne može negativno uticati na ukupne novčane tokove KS.

Istovremeno se i ovaj prijedlog Zakona po pitanju ovog člana adekvatno usklađuje sa rješenjem iz zakona višeg reda (Zakon o izvršenju budžeta FBiH).

Amandman 3:

Član 14. (1), stav (3) dopunjuje se, mijenja se i glasi:

“(3) Neočekivani vlastiti prihodi, donacije, transferi, namjenski prihodi i primici koji nisu planirani u Budžetu, a ostvare se u toku godine ili se ostvare u većem iznosu od plana u Budžetu, na prijedlog budžetskog korisnika i u iznosu do 10% ukupno budžetom planiranih rashoda tog budžetskog korisnika unositi će se u budžetsko računovodstvo i raspoređivati Odlukom Vlade (i-postaju sastavni dio Budžeta), a Odluka će se objaviti u “Službenim novinama Kantona Sarajevo”.

Obrazloženje:

Preciziranjem ovog stava, člana 14. i njegovim suštinskim povezivanjem sa članom 17., stav (1) istog ovog zakona u potpunosti dovodimo u balans prihodovno/rashodovne instrumente Vlade za naknadne unose i korekcije.

Također ovom izmjenom uklanjamo formulaciju koja glasi da "Odlukom Vlade ove naknadne izmjene i dopune postaju sastavni dio Budžeta". Ista je sa aspekta Ustava KS i Zakona o budžetima u FBiH i Poslovnika o radu SKS krajnje diskutabilna. Naime, Zakon o budžetima u FBiH precizno definiše i daje isključivu nadležnost zakonodavnom tijelu za usvajanje i izmjene i dopune budžeta.

Za sprovođenje ovih amandmana nisu potrebna dodatna finansijska sredstva.

Zastupnica SDP BiH u SKS

Segmedina Srna Bajramović